



Arubaanse Courant

ANJA 25

Diahuebs 2 Januari 1964

4929

Trafico di Aruba a sera 1963 cu total di diesdos morto

Oranjestad, 2 Januari.

Na Aruba anja 1963 a yega na su fin cu 12 morto di trafico durante e anja cu a pasa. E cantidad aki ta un di esunan di mas halto den e ultimo 10 anjanan, di cual anja 1957 y 1959 tin record cu respectivamente 18 y 14 morto. Asina cu aña 1963 por worde considera como un di e anjanan masha insegur ariba careteranan di Aruba. Mientras cu aña 1963 a worde cera como un aña insegur ariba careteranan di Aruba, aña 1963 a worde habri basta tranquil. Te ayera tardi pa mas o menos 5'or tabatin unicamente 3 choke registra ariba e promer dia di aña 1964.

Na anja 1963 tabatin casi cada luna un morto ariba caretera di Aruba. E di promer accidente di trafico cu resultado fatal na anja 1963 a tuma lugar ariba promer dia di Januari pa parti mainta. E total di mortonan na 1963, ta mas halto cu e promedio di tur e mortonan cu a tuma lugar ariba caretera di Aruba den e ultimo 9 anja, cual promedio ta 10. Na Corsow e promedio di e ultimo 9 anja ta 15.

dec. 1963: 2 herido

E ultimo accidente serio di trafico na anja 1963 a tuma lugar pa mas o menos 6'or y mei di atardi ariba di 31 ultimo, den Emmastraat na altura di Uruguaystraat. E mucha muher D.F.R. di 7 anja, kende probablemente a cruza caminda di ripiente a worde gedal pa e auto A-8542 maneha pa R.P. E hobencita mester a worde transporta pa hospital San Pedro, caminda el a worde tuma cu probablemente un comocion cebral basta serio

En general e cambio di aña 1963 pa 1964 a bai basta tranquil pa trafico na Aruba. For di 12'or di merdia di dia 31 di december 1963 pa ayera atardi 5'or, esta e promer dia di aña 1964, a tuma lugar 6 accidente di trafico, cual a causa dos herido cu mester a worde hospitaliza y un total di 3,300 florin na danjo material.

Tironan pa corre cu spiritu malo

Vientiane, 2 Jan. Awe mitraladornan tabata zona na Vientiane mientras granadanan ta resona y balanan cora di luz-tabata haci circulonnan den laira y balanan ta dal contra cashan.

Tur e desorden aki no ta debi na un crisis nobo den desarrollo na Vientiane, esaki tabata solamente trupan di gobierno Laosiano cu tabata tira den laira pa corre cu spiritunan malu durante eclipsio di luna.

Despues cu e auto a dal e homber el a bai ariba un curra causando un total di danjo material di 1600 florin. E otro accidentenan cual tabata choke di auto no a causa herido, pero si danjo material na un suma total di mas o menos Fl. 1.500.

E ultimo persona cua worde gedal pa auto den e delaster cuarto di ora di anja 1963 tabata e caballero L.M. Na altura di Kings Lodge ariba e caminda pa San Nicolas e auto A-6833 maneha pa A.C. a dal e caballero L.M. pa mas o menos un cuarto pa 12, kende despues mester a worde hospitaliza.

HUMA UN CIGARIA
VERDADERO
HUMA UN
CAMEL

FAVORITO DI ARUBA

Recepcion di anja nobo serca Gezaghheber

Oranjestad, 2 Januari. Manera custumber e promer actividad social den e aña nobo tabata e recepcion di aña nobo serca Gezaghheber. E interes ayera mainta pa esaki tabata enormemente grandi y atrobe Gezaghheber O.S. Henriquez y señora a muestra nan hospitalidad. E recepcion tabata bon percura y hopi a sinti un poco difcil pa un'or ya bai cas atrobe.

Ta casi imposibel pa menta tur e personanan cu a bin desea famia Henriquez "Bon Aña". Nos a mira e dos ministronan di Aruba, miembronan di cuerpo huridico, di B.C., representante di Staten, casi tur e funcionarionan mayor di Lago y ACC/ACI, hefenan di servicio, ambtenaarnan commerciantenan y artistanan. "Mita di Aruba taki atrobe" un persona a bisa nos, y enberdad tabata parse hopi cu tabata asina.

FATUM - Tel: 1845
pa tur bo aseguronan

Empresanan nobo recien estableci na Aruba

Oranjestad, 2 Jan. Door di e abogadonan mr. H.C. Willemsen y Juan B. Wix tratando na nomber di señornan E.N. Chafets (consulting engineer), Frank M. Trantham (financial consultant), Marvin Th. Hyman (abogado y accountant) y Richard Ketover (management engineer) a worde estableci dia 4 di oktober ultimo, Island Industries N.V. E N.V. ta estableci na St. Eustatius pero por establece filialnan na e otro islanan di Antillas. E doel ta construi y explota un hotel cu casino na St. Eustatius.

E kapital conhunto di e n.v. tabata na establecimiento, Fl. 200.000,-, notá completamente den accionan di Fl. 1.000,- di cual Fl. 13.400 tabata deposita. Di e kapital di accionan señor Chafets tin 46 accion, di cual el a haña 22 pa e servicio y trabao cu el a haci na preparamento di e planan manera cu nos a scribi den nos edicion di dia 23 di September ultimo. Tambe señor Hymans a haña di su 46 accionan, 22 pa e servicio cu el a duna. El a usa un aña di su tempo di trabao na e preparacion di hotel "The Statia". Señor Ketover a hanja 34 y señor Trantham 8 accion. Como promer directornan di e n.v. a worde nombra señornan Chafets, Hymans, Ketover y Trantham. Dinan señor Chafets lo ta presidente-

director y señor Hymans treasurer-director. E akte di establecimiento a worde firma dia 22 di Oktober ultimo door di gobernador.


Pues a worde estableci na Aruba door di señor William R. Hinkle, representante di N.C.G. International C.A. na Cañacay señornan Manuel Viana y J.W.E. Eman, ultimomon como directornan di Aruba Gas Supply, cu principalmente e doel di produci y negoshi di gasnan industrial, Antilles Industrial Gases N.V. E kapital conhunto di e compania aki ta Fl. 500.00,-. Den esaki N.C.G. International C.A. ta tuma parti cu 250.000 florin den accionan cu prioridad y Aruba Gas Supply cu un suma mes grandi den e accionan normal B.

Ariba conseho terminante di e accionan di prioridad a worde nombra como promer directornan señornan W.R. Hinkle, Fred C. Heppel y John L. Adank y como nan directornan alternatiu señor James Webb Dunham, mr. H.C. Willemsen y señor M.H. Vitrain. Ariba conseho terminante di e accionan normal B. a worde nombra como directornan señornan M. Viana, John W.E. Eman y E.O. Lampe y como nan alternatiuonnan señora Federika van der Bliest Eman y señornan Carey de Freltas y E.E. Croes Señor John H. Bigler a worde nombra como manager general di e fabrica.

Pues a worde estableci tambe Harlac N.V. E personanan cu a tuma e iniciativa pa esaki tabata señor Oscar R. Hart y damanan I.E. Hart y C.M. Hart E n.v. aki cu a worde estableci na Aruba kier tene agencia y negoshi den articulonan di panaderia y estimulantenan. E kapital di e asociacion aki tabata na establecimiento Fl. 30.000,- di cual lo a worde paga y deposita Fl. 12.000,-. Cada un di e establecedornan a pone un tercera parti di e suma. E promer directornan ta srta. I.E.

Hart y señor Oscar Hart. Como comisarionan a worde nombra señor C.L. Hart y srta. C.M. Hart.

Fabrica di „Aruba Industrial Gasses,, den construccion.



Discurso di ministernan plenipotenciario di Suriname y Antillas

DEN HAAG, 2 Jan. E minister nan plenipotenciario di Surinam y Antillas, respectivamente señores Emanuels y Lampe segun tradicion a tene nan discurso na ocasion di cambio di aña via radio Ulandes.

Minister Lampe di Antillas apaga atencion na loke ta yama "hopi biaha incidentenan desagradable y sorprendan"; cu gobierno di Antillas Ulandes mester a enfrenta den aña cu a pasador di sucesonan den territorio di Caribe y restunan di Sur-America, pero e por a mantene e bon relacionnan qu e paisnan vecindario. Tambe señor Lampe a menciona e relacion mas y mas mihor entre Antillas Ulandes y Venezuela y e relacionnan comercial mas estrecha qu e pais ey.

Minister Lampe a bisa tambe qu gobierno Ulandes a demostra hopi interes pa Antillas.

For di esaki a bin entre otro un acuerdo principal tocante e plan antillano di dies aña, door di cual gobierno central a haya fondonan pa proyectonan tantu rendable como no rendable.

Huntu cu esey a bin e asociacion cu EEG ta di gran importancia. Señor Lampe a conmemora inauguracion di e complex di fabricacion quimica na Aruba door di Pries Bernhard y un crecimiento fuerte di trafico di turista.

Polis tabatin un cambio di aña frankil

Oranjestad, 2 Januari.

E polisnan den servicio na calla tabatin un cambio di aña frankil, segun nos a worde informa. Un di e casonan poco importante cu a tuma lugar tabata na Oranjestad, caminda un miembro di tripulacion di un bapor di K.N.S.M. no por adomina su emocion mas na fin di aña biew y a bula for di door e bapor. El a dal ariba e haaf y tabatin algun herida chiquito. Na San Nicolas tabatin un hinkamento basta serio, pero sin matamento. Un problema cu a resulta cu esaki tabata cu no tabatin ningun dokter pa duna asistencia. E mes un cos polis di Santa Cruz a costata ora cu nan a hanja un jamada telefonico di Miembro di Staten Jacobo Erasmus, kende a pidinan busca un dokter pe. Señor Erasmus kende ariba e anochi di Diamars pa Diarazon tabata den cushina tabata preparando algo bon pa stoma, a bin den conflicto cu un pressure-cooker. Di repente el a haña steam caliente ariba su barrica y su cara. Como cu polis di Santa Cruz no por a haña ningun dokter, nan a transporta señor Erasmus cu auto di polis pa San Pedro Hospital caminda a resulta cu e kima no tabata asina serio, asina cu despues di tratamiento señor Erasmus por a bolbe cas. Den e hopi clubnan di distrito Noord y Santa Cruz a worde fiesta hopi durante e cambio di aña, pero polis no tabatin mester di duna asistencia.

E minister plenipotenciario di Surinam, mr. Emanuels a cuminsa qu expresa su satisfaccion, qu pa di prome biaha den historia un yiu di Surinam a worde nombra gobernador.

Mr. Emanuels a acentua den su discurso principalmente e posicion economica y financiera di su pais.

Union nobo na Corsow

Segun un publicacion den e "Curacao Courant" a worde establecido na Corsow, "Bond Cristian di Trahadornan den Panaderia".

Doel: proteha interes di e trahadornan den panaderia y otro empresanan similar, y e estimulacion di amistad entre e miembronan y e estimulacion di smaak pa traha y gusto den trabao den tal empresanan. E organizacion kier logra esaki door di e.o. contractnan colectivo. E promer directiva di e bond aki cu a worde establecido dia 28 di April ta consisti di señornan H.A. Mercilla como presidente, M.A. Adams como secretario y S.N. Josepha como tesorero.

Nehroe tambe pa Africa

Nueva Delhi, 2 Jan. Pomer minister Nehroe di India lo sali na anja 1964 for India pa Africa pa trata pa fortifica relacionnan amistoso cu e paisnan Africano cu a caba di bira independiente. Naturalmente e actual viahe door di Africa di prome minister Tsjoen Lai di China Comunista tabatin influencia riba decision di Nehroe pa bishita Africa. Nehroe ta hanja oportunidad pa tresa e punto di bista di India den e kestion entre India y China dilanti.



Situacion na Chipre a bira mas peor

Nicosia, 2 Jan. E situacion na Chipre, e isla den mar mediterraneo habita pa Griego y Turconan, a bira mas peor riba prome dia di anja 1964.

President Makarios a participa na radio, cu su gobierno a dicidi pa suspender e acuerdo di garantia cu Inglaterra, Grecia y Turquia y tambe e acuerdo di alianza cu Grecia y Turquia.

Segun Makarios e decision ey a worde tuma pa motibo di e intervencion di Turquia. Algun ora despues Makarios a delibita su declaracion un poco bisando qu gobierno di Chipre quer finalisa e acuerdonan door di medicanan adecua.

Den su discurso na radio e presidente (griego) a bisa cu e acuerdonan a worde dicta na e pueblo di Chipre.

El a bisa cu el a pone e hefenan di estado di diferente pais na altura di su decision na cual el a pidi pa nan yudanza moral na eventual

actitudnan agresivo nobo di Turquia contra Chipre.

Despues cu door di intercambio di presunan e situacion riba bispu di anja a parce di floha un poco, e odio entre Griego y Turconan riba e isla a bolbe lanta. Chipriotanan turco a ataca un convento mientras cu e serunan den cercania a worde lista pa Chipriotanan di origen Griego.

Entre tantu militarnan Ingles bon arma tabata haci patruya den cayanan di Nicosia. Diadomingo seis cien militar Ingles a yega na e isla pa asisti nan cinco coleganan, cu for di dos dia di Pascu ta riba e isla. Door di e capital di Chipre tin un linea estricta di separacion ta corre atrobe, mescos cu na anja 1960. Solamente periodistanan di exterior y militarnan Ingles ta risca bai den e parti Turco di e ciudad.

Awe e minister Ingles pa asuntunan di mancomunidad a delibera algun ora cu president Makarios.

Den circulo nan bon informa na Londen a worde participa cu probablemente dentro di algun siman lo tin un conferencia tocante Chipre entre e partidonan relaciona na e conflicto.

Di fuente bon informa dje cuartel general di Nacionnan Uni na New York, a ser anuncia cu Cyprus prome cu cumzamento dje reces di aña nobo diarazon lo pidi consejo di seguridad



E Cas Di Bo Sonjo na prijsnan practico

cu materialnan di construccion di calidad y na prijs atractivo, esey ta solamente na

PETRONA & CROES

pa bolbe reuni en relacion cu noticianan cu avionnan militar Turco a viola espacio aerea dje isla.

Dr. Kutchuk a declara representanten di prensa cu a bishitele den su residencia na Nicosia, cu ley di Cyprus a muri y cu un convivencia dje poblacion Griego y Turco no ta posibel.

Como contesta riba e pregunta si e ta partidario dje idea di un partimento dje isla e vice president a bisa "Llame partimentu si boso kier". Segun e ta necesario pa restablece prome paz y orden, y despues papia tocante constitucion.



1 LUNA GRATIS SUBSCRIPCION
BO TA SPAAR FL. 3,25
pasobra bo ta lesa „Arubaanse Courant,,
12 LUNA
pero ta paga unicamente
11 LUNA

.....SI BO TA PAGA BO SUBSCRIPCION PA HENTER ANJA DELANTA PROMER CU DIA 15 DI JAN.

nos abonadonan por paga na nos oficina of cerca nos cobradornan (pero p.f. no cerca e muchanan cu ta parti corant).

Erhard: "Mi ta considera mi tarea di percura pa Europa bira mas fuerte"

AUSTIN, (TEXAS) 31 Dec. Canciller Erhard di Alemania Occidental a sali despues di su deliberacionnan cu e president Mericano, di e aeropuerto Bergstrom pa Bonn.

E minister Mericano di exterior Dean Rusk a bai aeropuerto pa salute.

Prome cu su partido canceller Erhard a duna un dclaracion den cual el a bisa di ta regresa Bonn pa traha na reforsa di union Europeo, pa Europa bira un participante completoden e comunidad atlantico.

"Mi ta considera mi tarea di percura p a Europa bira mas fuerte, pa nos haci tur cos pa reforsa e union europeo riba terreno economico, politico y militar di moda qu Europa lo bira un partner completo den e comunidad atlantico.

Huntu nos ta fuerte suficiente, pa garantiza paz, libertad y husticia den henter mundu", asina Erhard a bisa.

Erhard a bisa tambe qu e y Johnson a declara di ta completamente di acuerdo qu otro, y qu esey no ta un declaracion diplomatico pero berdad.

Prome cu su salida Erhard a tene un mitin na prensa durante cual nan a puntre si por spera iniciativanan pa mehoracion di e relacionnan qu paisnan comunista El a contesta riba esey qu ainda un programa definitivo no a worde traha.

Speculantonan di astronautanan

Cocoa Beach, Florida, 2 Jan. E promer seis miembronan dje cuerpo Mericano di astronauta-

nan, cu a inverti nan placa den un hotel luhoso cerca di Cabo Canaveral actualmente Cabo Kennedy, a bende nan accionnan. Nan ganashinan tabata casi cien por ciento. Nan a dicidi di bende e accionnan pasombra corantnan a critica cuastronautanan ta saca probecho comercial di nan actividadnan espacial. Cada un dje seis a inverti 7.500 dollar den e hotel y a hanja actualmente 13.500 dollar bek.

Erhard no quier a duna comentario riba un pregunta si e ta considera e ambiente actual favorable pa haei proposicionnan nobo den e asunto Berlin.

E canceller a menciona e posibilidad di mas encuentro entre e y e president di Merca den futuro.

Pero den cercano futuro ambos hefe di estado lo tene contacto qu otro via correspondencia.

Tocante e relacion entre Merca y Francia Erhard a bisa: "Mi por sigura qu ni president Frances ni president Mericano a pone mi dilanti di e seleccion di sea amistad qu un of qu otro.

Carta anonima tocante hortamento di cuadro

London, 2 Jan. Awe e agencia Britanico di prensa "Exchange Telegraph" a ricibi un carta anonimo den cual ta ser haci un proposicion pa entrega bek dje cuadro famoso di Duque di Wellington pinta pa Goya, y cu a ser horta dia 21 di agosto di 1961 foi National Gallery na London.

E remitente dje carta ta propone di entrega e cuadro bek den presencia di fotografonan di prensa cu por saca portret dje entrega. E mes lo ta mascara ne oportunidad aki. Tambe ekier pa no straf e pa robo, y cu corantnan, cu publica foto di entrega paga 5 shilling pa 1.000 ehemplar. E suma obtene lo wordu manda pa un institucion caritativa, qu e remitente lo indica y un comite di 5 persona lo mester ta di acuerdo cu ne.

Explocion a exigi victima

EXPLOSION A EXIGUI VIC Na un explosion di dinamita na Sur Africa a murl awe shete persona. E desgracia a tuma lugar ne lugar na riu Oranje caminda nanta construyendo un dam nobo. E lugar aki ta keda na 8 km di Petrusville.



E cara den e rij aki riba ta hopi familiar pa un observador skerpi y ta ken e ta? Exactamente, ta Harold Macmillan, quende ta pará den rij sperando bus na Trafalgar Square na Londres. Algun siman pasá e tabata promer minister di Inglaterra.



KAN INC. ODUBER & KAN INC



ESCORTE PA DESTRUCTOR - E destructor di armada mericano Hawkins a haña un escorte inesperá durante operacionnan den Golfo di Mexico, ora qu na nan turno dos tonino a haña un compafiero di wega gigantesco.

PROCESO CONTRA EX-DIPLOMATICO BULGARO ACUSA DI SPIONAHE

SOFIA, 2 Jan. Den e proceso contra ex-diplomatico Bulgaro Georgief, cu ta acusa di spionaha pe Mericanonan, nan a scusha awe den corte supremo na mensahe codico transmisti pa un emisora Mericano na Grecia cu tabata pe acusado. Prome cu e mensahe tabatin un parti musical di "Schuberts Unvollendete". E mensahe ta den Ingles transmisti pa voz di un muher cu como fondo signalnan codico.

Segun testigonan e mensahe tabata di 20 di september, 12 dia despues di arestacion di Georgief. El a ser graba cu un aparato Mericano di radio cu a ser hanja den cas di Georgief y a ser decifra cu ayudo di listanan codico hanja tambe den e cas. Testigonan a bisa, cu nan a ricibi tambe 14 otro mensahe dje mesun emisora despues di arestacion di Georgief. Despues di anuncio dje acusacionnan ocho dia pasa e transmisionnan a stop. E fiscal a exigui pena di morto contra Georgief pa motibu di traicion y spionaha.

Esaki a termina cu epalabranan: Riba es mundu aki no tin ningun lugapa un persona manera Iwan Assen Christov Goergief, mi ta exigui pena di morto pe. E publico a worde admiti mente cu invitacionnan special y a duna un aplauso largu. Goergief, tabata bleek.

Despues Goergief a hanja oportunidad pa e ultimo palabra. Esaki a tuma lugar despues cu pueblo y prensa a sali dje sala.

Mensahenan di aña nobo

Bonn, 2 Jan. President Luebke di Alemania Occidental a declara den su mensahe di anja nobo na tur Aleman, cu mas largu cu e separacion di Alemania ta dura mas fuerte nan deseonan pa unidad y libertad y mas intenso nan peticion pa mundu lo bira. E herida, cu ta separacion dje dos partinan di Alemania por

Fiscal a bisa qu Georgief padilanti a pone servicio Mericano na altura di proposicionnan y decisionnan dje delegacion ruso cerca Nacionnan Uni. Ela agrega cu e acusado na 1960 a duna un agente secreto mericano informacion tocante un reunion masha importante na cual funcionario importante dje paisnan comunista a participa. Servicio secreto mericaho a aprecia esaki masha tantu segun e fiscal.

mehora solamente si lidernan dje paisnan oriental ta dispuesto pa duna pueblo aleman autodeterminacion, segun Luebke.

tsjow a pidi e huespednan pa nan halsa nan copa, despues di cual el a bisa. "1963 tabata un bon aña".

"1963 tabata un aña pacifico y nos ta spera cu esaki ta un introduccion pa nos lucha pa paz na aña 1964".

Un cabei di profeta

Srinagar Kasjunier, 2 Jan. Gobierno di India awe a manda e hefe di servicio di informacion pa Srinagar pa haci un investigacion pa perdida di un cabel, cu tabata un reliquia di profeta Mohammed.

E perdida dje cabel a stop e ultimo 4 dianan e bida normal na Srinagar completamente. Tabatin ne lugar aki irregularidadnan y procesion cu banderanan pretu.

Crisis den gobierno Peruano

LIMA, 2 Jan. Na Peru camara di delegados ayera a acepta un mocion di desconfianza contra e gobierno di premier Dr. Oscar Trelles. E mocion tabata dirigi contra e politica di gobierno contra e campesinonan rebelde den sur di Peru.

Segun ley na Peru president Terry mester acepta retiro di e gobierno di Trelles. E minister di exterior, Fernando Schwalb, a worde pidi pa forma un gobierno nobo. E gabinete di Trelles, a worde pidi pa forma un gobierno nobo. E gabinete di Trelles a hura dia 28 di Juli, poniendo asina un fin na e regimen militar, cu a dura un aña. Despues a worde informa, q premier Oscar Trelles a retira. E minister di exterior, dr. Fer-

BETALINGEN IN NEDERLAND ten behoeve van aldaar voor eigen rekening studerende kinderen, tot het onderhoud van aldaar verblijvende gezinnen of ter ondersteuning van aldaar wonende familieleden.

NAMENS DE MINISTER VAN FINANCIEN, VRAAGT DE ADMINISTRATEUR VAN FINANCIEN DE AANDACHT

van degenen, die thans regelmatig door middel van postwissels of door tussenkomst van een bankinstelling gelden naar Nederland overmaken ten behoeve van aldaar voor eigen rekening studerende kinderen, tot het onderhoud van hun in Nederland vertoevende gezinnen, dan wel ondersteuning van aldaar wonende familieleden,

Indien het betalingsverkeer tussen de Nederlandse Antillen en Nederland mocht worden verbroken, heeft DE REGERING VAN DE NEDERLANDSE ANTILLEN IN SAMENWERKING MET DE NEDERLANDSE REGERING EEN REGELING GETROFFEN TOT VOORTZETTING VAN UITKERINGEN AAN FAMILIELEDEN, voor zover de omstandigheden in Nederland zulks dan toelaten.

Het gebruik maken van deze regeling is opengesteld voor een ieder, die een verklaring afgeeft, waarbij belanghebbende zich o.m. verbindt, het bedrag van de regelmatige overmaking vanaf het tijdstip, waarop de Regering zulks nodig oordeelt, tot het tijdstip, waarop de regeling naar de mening van de Regering weer buiten werking kan worden gesteld, maandelijks in 's Landskas te storten.

DEGENEN, DIE ALSNOG VAN DEZE REGELING GEBRUIK WENSEN TE MAKEN GELIEVEN ZICH OP TE GEVEN:

- op Curacao, ter Administratie van Financiën, Afdeling Rekening met Derden, Pietermaaiweg No. 4 - 4a.
- op Aruba, ter Administratie van Landsfinanciën, L.G. Smith Boulevard 25.
- op de andere eilanden, ten Gezaghebberskantore.

Willemstad, 2 januari 1964.

De Administrateur van Financiën,

J.G. Blikslager.

Inauguracion di conferencia

Saigon, 2 Jan. E promer minister provisional di Vietnam del Sur Nguyen Ngoc Tho, awe a asisti ne inauguracion oficial di un conferencia Boedhista cu tin como fin pa reuni tur Boedhistanan den e pais.

Erhard tocante su viahe pa Merca

BONN, 2 Jan. Na un conferencia di prensa na Bonn caminda cansiller federal Erhard a revela, cu gobierno di Alemania Occidental a pidi na Paris pa entregale ex-lider di ehército secreto Argoud, y tambe a bisa di e entrevista entre Erhard y president Johnson di Merca. Erhard a bisa, cu Merca, Francia y Alemania Occidental a dicidi actualmente, pa no duna Rusia creditonan riba termino largo, pasobra tales creditonan por pone e Rusianonan den oportunidad pa vense nan dificultad economico. Ta conoci cu Inglaterra si ta pensa otro dje asunto aki.

Erhard a bisa tambe, cu el a papia cu Johnson tocante posible deliberacionnan cu Alemania Oriental pa alarga e areglo pa entrada liber dje Berlinesnan Occidental pe sector Oriental di Berlin.

E Mericanonan tabata di opinion, cu ta trata aki di un asunto Aleman, pero no a laga di revela, cu autoridadnan Aleman no meste haci nada pa haci e actual situacion mas complica. Erhard sin embargo a acentua, cu gobierno na Bonn ta dispuesto pa alarga e areglo pa entrada liber pa Berlin Oriental, pero nan no meste haci concesionnan na Alemania Oriental, cu lo bai mas alew cu e contenido dje actual protocol.

Erhard a mira den su deliberacion cu Johnson cuminzamentu di un fase nobo di relacionnan entre Merca y Alemania Occidental.

El a serra cu Johnson un acuerdo cu, maske e no ta stipula den un tratado, toch tin hopi paresido dje sistema stipula di deliberacion den e tratado Frances-Aleman. Asina cu Alemania Occidental y Merca den futuro riba tur nivel lo delibera cu otro tocante tur kestion di interes.

Eleccionnan na Grecia

Athens, 2 Januari.

Organisacion di eleccionnan general ta un exigencia di e partido central uni di premier Papandreou. E partido aki no a haya un mayoria abosuto den e eleccionnan cu tabatin luna pasa.

E coalicion di e partido democratico uni (di simpatia comunista), cu siman pasa dialuna a haci posibel pa e gobierno gana un mocion di confianza, no a worde acepta. Papandreou tampoco kier coopera cu e union radical, e di dos partido grandi na Grecia.

Dia di pasca un grupo di Surnam a jega Hulanda pa busca trabao. Na nan jegada sin embargo a keda muestra cu nan no por a hanja trabao serca e firma pa cual nan a worde manda. Apesar di e contratiempo aki nan tabata basta optimista tocante nan futuro y e esfera den e sala di recepcion di K.N.S.M. tabata perfecto.



Argoud a keda condena pa cadena perpetua

PARIS, 2 Jan. E ex-lider di ehercito secreto Antoine Argoud a ninga di sali di su celda den e prison, segun un polis a declara pa corte di justicia, cu ta trata e asunto contra e ex-colonel.

Argoud a pone resistencia, ora cu un polis a bin buske pa hibebe edificio di corte.

Ora cu e polis a regresa cu 15 asistencia pa celda Argoud a amenaza di usa violencia, si nan trata pa hibebe pe edificio di corte.

Juez Dechezelles a suspende e sesion. Manera conoci cansiller

Erhard a bisa tambe ne conferencia di prensa, cu Alemania Occidental a pidi pa entrega di Argoud, pasombra nana secuestrele foi hotel na Muenchen.

Erhard a bisa tambe ne conferencia di prensa, cu den e nota entrega awe na Paris ta para mesun cos qu e secretario di estado di Alemania Occidental Carstens ya a bisa e embahador Frances na Paris.

Manera anuncia nan a secuestra Argoud dia 25 di Februari foi hotel Edenwolf na Muenchen.

Polis Frances, cu a hanja un tip telefonica despues a hanjele cu un prop den boca den un

truck cerca di Notre Dame na Paris.

Ex-lider di ehercito secreto Argoud a keda condena pa cadena perpetua. Argoud ta ex-lider di ehercito secreto qu a ser secuestra di un hotel di Muechen pa Paris.

President dje corte Frances pa seguridad di estado cu a lesa e sentencia a muestra tambe pa e peticion di Alemania Occidental pa manda Argoud bek. El a bisa qu e sentencia no ta forma ningun strobacion pa eventual acuerdo pa entrega. Maske Argoud a ninga di asisti na e sesion y el a prohibi su defensornan di actua pé, e sentencia aki no ta uno en rebeldia, pasombra el a asisti na tur e otro sesionnan.

Juez a suspende e sesion despues cu e defensornan a declara cu Argoud a haci un apelacion contra decision dje corte pa no mandele pa Alemania Occidental. Despues di reanudacion dje sesion defensornan a declara nan a keda oficialmente segura cu gobierno di Alemania Occidental foi 12 di December pasa a pidi oficialmente pa entreganan Argoud. Segun nan e decision dje corte ta basa riba mal informacionnan, y cu esaki nan ta referi, e declaracion dje minister Frances di exterior, Couve de Murville, cu nan no a ricibi na Bonn ningun peticion pa regreso di Argoud. Defensa a anuncia cu Argoud a scribi cartanan pa presidentenan dje Asamblea Nacional y senado., den cua e ta bisa cu Couve de Murville a haci mal uso di su poder.

Lider nobo pa socialistanan di Alemania

Socialistanan di Alemania Occidental cu ta den oposicion, lo eligi dia 15 y 16 di februari awor den un congreso extraordinario un president nobo como sucesor di Erich Ollenhauer, cu a muri dia 14 di december pasa na edad di 62 aña. Burgemeester Willy Brandt di Berlin Occidental ta actua como president interino di partido.

Intento pa hui a fracasa

CARACAS, 2 Jan. 23 Presu Venezolano, qu ta sera pa motibunan criminal, atramaden marduga di diasabra pa diadomingo pa hui for di prison door di un riool. Nan a worde descubri durante nan huida y e guardiannan a tira riba nan, door di cual un di nan a muri y sobra a worde detene.

Segun ultimo noticianan otro presunan qu quier a hui ainda ta den e riool.

E personal di prison ta trata pa sacanan afor qu ayudo di gas. Segun e gobernador di e estado e detencionan politico y militar no a participa na e intento di huida.

Viahe di Papa

Jerusalem, 2 Jan. E patriarca griego orthodox di Jerusalem Benedictus I a llama e venidero reunion di Papa Pablo qu e Patriarca Athenagoras un hecho di significacion historico pa henter mundu.

Alemania la exige entrega di Argoud

Bonn, 2 Jan. Gobierno di Alemania Occidental lo pidi Paris pa entrega e ex lider di e organizacion di ehercito secreto, Antoine Argoud, quende na cuminsamentu di e aña aqui a worde secuestra for di un hotel na Muenchen. Asina canceller Erhard a participa awe.

KNSM

Your line



TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

Number di Bapor	For di	Pa
MEMNON	4-1-64 U.S. Atlantic Ports	Venezuela, Georgetown, Paramaribo
SOPHOCLES	4-1-64 U.S. Gulfports	Curacao, Venezuela, Trinidad, Barbados, Georgetown, Paramaribo
MEDON	6-1-64 Europe	Venezuela, US Atlantic Ports
ARTEMIS	9-1-64 U.S. Atlantic Ports	Venezuela, Trinidad, U.S. Atlantic Ports
PRINS DER NEDERLANDEN	11-1-64 Caribbean Cruise	Curacao, La Gualira, Trinidad, Barbados, Europe

DIPLOMATICONAN

SERCA PAPA

ROMA, 2 Jan. Papa Paulo a ricibi e representantenan di paisnan estranhero na Santa Sede den un audiencia tradicional na cambio di aña. Papa a dirigi palabra den Frances, despues qu e diacono di cuerpo diplomatico, e embahador belgo Polswick a duna Papa deseonan pa aña nobo di e diplomaticonan. Papa Pablo a pidi e representantenan di exterior entre otro pa yude tene su peregrinacion completamente riba tereno religioso y pa haci tur loque ta posibel pa evita interpretacionnan di su viaje qu lo duna un nificacion robes di e peregrinacion.

Voor de vele blijken van medeleven ondervonden bij het overlijden en de begrafenis van onze geliefde vader, schoonvader en grootvader

de Heer JOHAN OMAR CROES

betuigen wij langs deze weg onze hartgrondige dank.

Fam. E.E. Croes-Ruiz
J.A. Croes-de Veer
W.F. Croes-Posner
A.O. Scholten-Croes
E.A. Kruythoff-Croes


Esaki tabata un raket di espacio prome cu el a worde converti den un

kamber di presion pa oxigeno cu nan ta usa pa investigacionnan me-

dico. Na drechi banda di e tecnico por mira e material cu nan a usa

pa traha e raket esta fiberglass.

(Foto USIS)



AGENDA**ARUBAANSE COURANT**

diariamente cu excepcion di diadomingo
 subscripcion f. 3.25 pa luna
 edicion los 20 ct.

edita pa:

N.V. Arubaanse Drukkerij - en Uitgevers-
 en Publiciteits Mij.

imprimi na:

N.V. Drukkerij
 „de Stad,,

Telefoon 1116 Directiva
 y redaccion, 2116 Anuncio
 y subscripcion.

Directeur hoofdredacteur:
 D. Wolff.

CINE

Donderdag 2 Jan:

De Veer: 8.30 p.m. "Solomon
 and Sheba" 18 j
 Rialto: 8.00 p.m. "Mad Dog
 Coll" 18 j
 Principal: 8.00 p.m. "Revak
 the Rebel" 18 j
 Aurora: 8.00 p.m. "Muziek
 is Troef" all
 Savaneta: 8.00 p.m. "El Jinete
 Negro" all

DOKTERNAN DI WARDA

Doktersdiensten: Oranjestad-
 Noord 28,29 Dec Dr. J.R. Leo
 San Nicolas-Sia Cruz-Sav 28/
 29 Dr. J.G. Jansen

WIT-GELE KRUIS

Oranjestad: Zr. Ewolda
 San Nicolas: Zr. Perpetua
 Santa Cruz: Zr. Ludovic

BOTICANAN DI WARDA

Nachtdiensten: Oranjestad Boti-
 ca del Pueblo Tel: 1253-2154
 San Nicolas Botica San Lucas
 Tel: 5119

RADIO CARACAS**TELEVISION**

8,45 Senderos de luz
 9,00 Cajas con sorpresas
 9,30 Jardín de infancia
 10,00 Documentales
 10,30 Cosas de mujeres
 11,15 Quien es quien en T.V.
 11,45 Novela
 12,00 Ahow de Saume
 13,00 Noticias
 13,05 Cont. Show de Saume
 13,15 Se necesita una amiga
 13,35 Novela
 13,50 Yo se lo vendo
 14,20 Punto y aparte
 14,45 Estudio Hector Monte-
 verde
 15,15 Perfecta ama de casa
 15,45 Aventuras de Popeye y
 Yeyo
 16,15 Mejías y sus muchachos
 16,45 Busque su marca
 17,15 Sir Francis Drake
 17,45 Noticias
 17,50 El Santo
 19,00 Mi tres hijos
 19,30 Dagnet
 20,00 El observador
 20,15 Novela
 20,30 Esta noche Billo
 21,00 El matrimonio perfecto
 21,30 Los defensores
 22,30 Noticias
 22,35 Cine para todos

E avion experimental
 aki, sin ala tambe ta al-
 gu nobo riba tereno
 científico na Merca. E
 modelo aki ta un proto-
 type pa vehiculan di
 espacio cual lo worde
 usa den futuro durante
 viahenan den espacio
 door di astronautonan.
 (FOTO USIS).

TELE-ARUBA

Diahuebs 2 Januari 1963.

05,30 Cartoons
 06,00 Industry on Parade
 06,30 Corliss Archer
 06,45 Papiamento New Cast Li-
 ve & Filmnews
 07,00 Sea Hunt
 07,30 Sports News
 07,45 Tombstone Territory
 08,15 NHoneymooners
 08,45 English Newcast Live &
 Filmnews
 09,00 Ben Casey
 10,00 Sign Off.

Cumpleanjos

Dia 31 di Dec. a cumpli anja
 hobencito Edwin v/d Linden, fe-
 licitacion ta bini di sutata Pedro,
 mama Tina, di su 6 rumanan,
 Filomena Jacobs, Agustin v/d
 Linden, Martha, Anna, Eddie,
 Chito, subrina Ivonne, madrina
 Tida de Cuba, padrinan Imeldo
 de Cuba, Calistro Jacobs, welo
 Conrado v/d Linden, wela Eliza
 v/d Linden, omo y tantanan, ami-
 gonan Rolando de Cuba, Mar-
 celino Valdez, y demas famia
 v/d Linden, de Cuba, Valdez y
 Jacobs.

**Proyecto di awa
na St. Maarten**

Actualmente señor Wunderink
 di Nedeco ta permaneciendo na
 St. Maarten pa e preparativonan
 di e proyecto di waterleiding
 na Pointe Blanche. Ta den in-
 tencion pa construi tres tanki
 cu un capacidad total di 500 to-
 nelada pa e industria di pesca
 hapones. E awa lo mester ser
 importá cu boto te dia qu e plan-
 ta di distilacion di awa, aus-
 picia pa e plan di EEG, ta cla.

**MARX DI KLM TA
BANDONA
ANTILLAS**

Dia 15 di e luna aki señor
 E. Marx, gerente di venta di
 KLM den e area di Caribe lo
 bandona Antillas Neerlandes pa
 bai traha na Londres.

Na Londres lo e ser nombra
 como gerente di venta pa Gran
 Bretaña e Irlanda.

Esaki sin duda alguno ta un
 promocion pa señor Marx, pa
 cual nos ta felicitele.

Como sucesor di señor Marx
 a ser nombrá señor J. van der
 Kuyp, quende actualmente ta em-
 plea como gerente di venta pa
 Libanon, Jordania y Syria.

E heliport ariba di e
 Port of New York Autho-
 rity Exhibit Building di
 e exposicion mundial
 1964-65 a worde inau-
 gura na oktober u.p.
 Aki nos por mira un
 helicopter di e tipo Si-
 korsky cual lo hiba pa-
 saheronan pa sightsee-
 ing trips durante e ex-
 posicion venidero.
 (FOTO USIS)



PALABRANAN DI GOBERNADOR NA CAMBIO DI ANJA

Permitimi duna awe na principio di 1964, un impresion general di 1963, e anja cu a caba di finalizá, no unicamente pa evoca acontecimientonan di pasado, ma tambe a duna un idea di e situacion cu nos ta confrontando durante cambio di anja, ora nos ta ofrece otro, según tradición, un bon y feliz anja nobo. E sucesonan di anja 1963 ta indica claramente cu manera m'a bisa mas biaha, nos ta pasando un perfodo di transicion cu a cuminsa na principio di nos siglo actual i fin di cual nos no por visualizá ainda. Ta un hecho conocí cu epocanan di transición ta worde caracterizá door di acentuación di controversianan, cu algunhen- de ta trata di neutralizá door di nan esfuerso di reconciliación ma cu na otro banda, ta duna origen na actonan di odio y violencia. E lucha entre elementonan positivo i negativo a sali na relieve principalmente den relacionan internacional. Nos ta corda con e último asamblea, General di Nacion Unfa cuminsa algun, luna pasá den un ambiente general di optimismo. Na esaki a contribui dos forma di manifestacion cu a ser considerá di masha hopi balor, mi ta pensa n'a promé lugá n'e tratado pa stop cu e pruebaban nuclear, un tratado cu a worde considerá door di hopi hende como un di e promé pasonan pa logra un mihó entendimiento entre e granpótencianan mundial. Di mayó importancia ainda mester worde considerá e acercamiento entre e diferente gruponan religioso. Nos t'a pensa n'e segundo Concilio di Vaticano, convocá pa Papa Juan 23, n'e conseho mundial di Iglesiasnan Protestant na Montreal, i mas cerca di nos n'e servicionan uní di diferente gruponan religioso, Christian y Israelitico na Antillas. Ta un satisfacción pa weta e ideal ecuménico ta sigui gana mas i mas tereno.

Lamentablemente nos mester a constata cu tambe e elementonan negativo a lanta cabez principalmente durante último lunanan. Continente Americano i territorio di Caribe no a keda excluf for di demostracion i actonan di odio y violencia. Henter mundo a jora e muerto trágico di e hoben Presidente Kennedy especialmente pasombra e tambe tabata pertenece mescos cu e inolvidable Papa Juan 23, n'e personalidadnan generoso cu a lucha cu tur nan curazon pa un mundo nobo di husticia i paz.

Nos ta sinti nos feliz di mira cu te ainda tin territorio unda derechonan fundamental no ta unicamente adorno verbal, sino un hecho paipabel i vivicante. I nos ta sinti nos especialmente feliz pasobra na e territorionan aki nos Reino tambe ta pertenece, pues Hulanda, Surnam i Antillas Neerlandes. Manera nos oyentanan sabi, desarrollo di Antillas durante último anjanan ta hanja su base tantu den e actividadnan propio di nos pueblo como tambe den e lazonan mas estrecho cu nos paisnah hermano di Reino i den intensificacion di relacionan cu paisnan estranhero.

Desarrollo di Antillas ta tin tambe e anja aki momentu di gran importancia.

Permitimi hace mención di algún acontecimiento inspirador, iluminación eléctrico di Banda Abou na Corsow, inauguración di e Plantanan Químico na Aruba, apertura di hotel nobo na Boneiru i inauguracion di e airstrip di Saba.

En relación cu ayuda di Hulanda ta husto pa expresa sentimento- nan di gratitud pa Su Alteza Real Príncipe Bernardo cu e

anja aki atrobe a duna su apoyo moral na nos economia, inaugurando e companianan químico na Aruba. Ta husto tambe di recorda e Vice Ministro Presidente anterior Sr. Korhais, kende a dedica gran parti di su perfodo como minister na consolidacion di e economia di Antillas Ta un gran placer cu pronto nos por spera un bishita di e actual Vice Presidente, Mr. Biesheuvel, kende sin duda tambe lo dedica un gran parti di su energia i idealismo na fabor di bienestar di nos pueblo.

Contactonan cu paisnan estranhero tabata particularmente numeroso.

Mi kera memora especialmente e diferente misionan venezolano i Antillano cu a estrecha mas ainda e relacionan cordial entre e dos pais vecino, e bishita di Premier di Trinidad i Tobago i e mision Comercial di Israel; i tambe e delegacionan di Parlamento Europeo i di E.E.G., i finalmente na nos contacto cu empresanan di number i fama mundial di e diferente paisnan di mundu liber. Ta claro cu nos islanan tambe ta sinti e tension inherente di tur época di transición, ma nos ta convenci cu nos lo hanja e solucion propio i conveniente si nos keda nos mes i si nos continua riba e caminda di cooperacion i consulta mutuo. Mi kera termina deseando cada ciudadano di Antillas un feliz i prospero Anja Nobo. Mi ta spera cu realizacion di deseonan di cada un di nos lo contribui na nos felicidad personal i cu bendición di Dios Todopoderoso, n'e progreso i bienestar di Reino Neerlandes en general i di Antillas en particular.



"SANTA PAULA" y "SANTA ROSA" bapornan

● moderno di **GRACE LINE**, semanalmente ta trece turista y carga pa nos isla.

*Usa e servicio eficiente di **GRACE LINE** biaha via **GRACE.**

Agente:

EMAN TRADING CO. INC

Oficina tel: 1156-1554-

5054-5055

Dock tel: 2135



Deseonan pa anja nobo di lidernan di gobierno

DEN HAAG, 2 JAN. Diferente emisoranan di radio a transmiti un deseo pa aña nobo di minister Luns. E minister Ulandes, kende a papia como president di e comite di ministernan di e conseho di Europa, a desea e ayentenan un feliz aña den Europa fraternalmente uni, uní cu e democracianan grandi na otro lado di oceano atlantico.

Generaal de Gaulle a bisa ayera nochí den un discurso na television na ocasion di cambio di aña, cu Francia su construccion di armanan atómico y moderni-

E lider di partido comunista di Alemania Oriental, Walter Ulbricht a bisa ayera nochí den un mensaje di aña nobo na radio, cu un reconocementu bilateral entre Berlin Occidental y Alemania Oriental por tin un acercamiento como consecuencia door di cual hopi problema lo por worde soluciona.

sacion di su ehercito, tatumando su destino, cu for di aña 1940 tabata den man di otro, den su propio man. "E balans pa aña 1963 ta en general favorable pa Francia", asina e president Frances a bisa.

Ulbricht a referi na e acuerdo, door di cual habitantenan di Berlin Occidental por a haci bishitanan temporal na Berlin Oriental.

Na Merca nan a construi un boto di un typo revolucionario cu ta traha cu dos chapaleta spiral pega na dos tubo bao di e boto. E boto a pasa testnan cu exito riba awa, riba terra den sneeuw y practicamente tur sorto di terreno. (FOTO USIS).



DICK TRACY

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.



RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba




BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



TURQUIA Y SITUACION NA CYPRUS

ANKARA, 2 Jan. Minister Turco di asuntunan exterior Geridun Comal Erkin, a participa na Ankara, cu unidnan Turco di ehercio na Nicosia lo no wordu retira dje barrio Turco. E unidnan lo keda na su luga, pa rasonnan di seguridad, segun e minister despues di un entrevista cu lidernan dje forzanan Turco di guerra, Prome minister Ismet Inonu, a duna den un transmision dje programa di su gobierno Turco nobo, e lidernan dje grupo Griego di poblacion culpa dje crisis

riba e isla. El a segura, cu Turquía, lo keda tene su mes ne obligacionnan segun e acuerdonan di Zuerich y London, caminda nan ta regla e convivencia di e grupo Turco y Griego di poblacion na Cyprus. Den su declaracion di gobierno Inonu a bisa di ta desea cu relacionnan cu Grecia tantu den obsecio bilateral como den cuadro di NAVO lo wordo fortifica. E crisis na Cyprus e ta mira como un prueba cu mester ser vensti.

Rusia ta rechaza Bishitanan na protesta di Merca Berlin Oriental

Berlin. 2 Jan. E embajada sovietico na Berlin Oriental a ninga e protesta mericano contra tiramento di e Aleman Schultz durante un intento pa hui pa Occidente riba promer dia di Pascu. Asina e secretario di prensa di e embajada a participa. Segun e agencia di prensa di Alemania Oriental e embajada a duna como motibo pa negacion di e protesta qu e asunto aqui no ta cai bou di autorisacion di e embajada na Alemania Oriental.

Berlin. 2 Jan. Alexander A-busch, vice premier di Alemania Oriental, a declara den un entrevista qu e revista "Sonntag" cu su gobierno ta dispuesto pa admiti bishitanan na Berlin Oriental door di habitantenan di e parti occidental si tin un ambiente politica favorable. Gobierno di Alemania Oriental ta dispuesto pa negosha tocante e asunto ey y otro asuntunan qu por trece normalisacion di e relacionnan qu Berlin Occidental, asina e vice premier a bisa.

HOROSCOPO PERSONAL

Pa dia 3 di januari 1964.

ARIES, 21 maart - 20 april Bo por spera algun estorbo riba bo caminda awe, especialmente den amor. No exita y muestra pasenshi.

TAURUS, 21 april - 20 mei Trata otronan cu poco cuidao awe; bo por causa critico de perhudica bo prestigio. Anochi ta trese mehor aspectonan.

GEMINI 21 mai - 20 juni Busca un mehor entendimentu si algu a bai malu den bo relacionnan cu un cierto persona. Haci e promer paso.

CANCER 21 juni - 22 juli Awe ta facil pa bo comete errornan den bo calculacionnan y tambe cu personanan. No bai mucho pura pa dicidi.

LEO 23 juli - 22 augustus Bo ta gana mas si bo tene bo mes poco atras awe. Pone hopi atencion pa loke otronan ta haci of bisa.

VIRGO 23 augustus - 22 september. No tuma e dificultadnan di otro riba bo, pasombra bo mes lo hanja hopi cos di haci. Anochi por trese un solucion.

LIBRA 23 september - 22 oktober. No laga bo emocionnan domina bo, tene bo mes calmo y muestra pasenshi. Amigu y famianan por juda bo, si tin problema.

SCORPIO 23 oktober - 22 november. PREpara bo mes riba un impasse, retraso. Muestra pasenshi warda kiko ta bai pasa, mehor cu actuacion impulsivo.

SAGITTARIUS 23 november - 21 december. Bo plannan por worde stroba door di desarollonan nobo y lo mester worde cambia. Haci esey di buena voluntad sino cos ta bai malu.

CAPRICORNIUS 22 december - 19 januari. Awor no ta tempu pa cuminsa cu algu nobo y menos pa confia otro. Deshaci di influencianan di un tercero den asuntunan di amor.

ACUARIUS 20 januari - 18 februario. Bo judanza lo worde aprecia masha y despues lo worde paga. Laga otronan tuma iniciativa awe y abo warda ketu.

PISCES 19 februari - 20 maart Muestra extra interes pa sernan stima y aprecio. Mustrabo banda bon y haci algu pa bo apariencia, esey lo juda bo.

Welga na Argentina

BUENOS AIRES, 2 Jan. Tur corantnan a sali awe normal despues qu dos sindicato, cu ta inclui practicamente tur periodista, a suspende un welga qu a worde proclama 24 ora prome. E welga a cuminsa a consecuencia di explicacion di un acuerdo nobo na cual salarionan a worde aumenta te na un nivel qu ta 35 por ciento riba esun di dos aña pasa.

Empresanan petrolero na Indonesia

DJAKARTA, 2 Jan. President Soekarno di Indonesia a firma dos ley, na cual tres empresa petrolero ta haya e forma di "contractors" pa e proximo binti añanan. E empresanan aqul, Shell Stanvac y Caltex mester entrega estado 60 por ciento di nan ganancias, ademas di un bonus di en total 45 million dollar.